



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎՃՌԱԲԵԿ ԴԱՏԱՐԱՆԻ ՔՐԵԱԿԱՆ ՊԱԼԱՏԻ ՆԱԽԱԳԱՀԻ
ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ**

**Ո Ր Ո Շ ՈՒ Մ
ԸՆԴԴԱՏՈՒԹՅԱՆ ՎԵՐԱԲԵՐՅԱԼ ՎԵՃԸ ԼՈՒԾԵԼՈՒ ՄԱՍԻՆ**

2022 թվականի հուլիսի 20-ին

ք.Երևանում

Ուսումնասիրելով թիվ ՍԴՅ/0114/01/21 քրեական գործի ընդդատության վերաբերյալ վեճը լուծելու համար Վճռաբեկ դատարանի քրեական պալատի նախագահին դիմելու մասին Երևան քաղաքի առաջին ատյանի ընդհանուր իրավասության դատարանի՝ 2022 թվականի հուլիսի 14-ի որոշումը,

Պ Ա Ր Զ Ե Ց Ի

Գործի դատավարական նախապատմությունը.

1. 2021 թվականի նոյեմբերի 15-ին Սյունիքի մարզի առաջին ատյանի ընդհանուր իրավասության դատարանում ստացվել է թիվ 92164721 (ՍԴՅ/0114/01/21) քրեական գործն ըստ մեղադրանքի՝ Դավիթ Մանվելի Սիմոնյանի՝ ՀՀ քրեական օրենսգրքի 364-րդ հոդվածի 1-ին մասով, և նույն օրը մակազրվել է նույն դատարանի դատավոր Բ.Բախշյանին:

2022 թվականի մարտի 21-ին թիվ ՍԴ3/0114/01/21 քրեական գործը վերամակագրվել է դատավոր Վ.Զիվանյանին և 2022 թվականի մարտի 22-ին ընդունվել վարույթ:

2. Սյունիքի մարզի առաջին ատյանի ընդհանուր իրավասության դատարանը 2022 թվականի հունիսի 17-ին որոշում է կայացրել քրեական գործն ըստ ընդդատության Երևան քաղաքի առաջին ատյանի ընդհանուր իրավասության դատարան ուղարկելու մասին:

3. Երևան քաղաքի առաջին ատյանի ընդհանուր իրավասության դատարանում թիվ ՍԴ3/0114/01/21 քրեական գործը ստացվել է 2022 թվականի հուլիսի 4-ին և հուլիսի 7-ի որոշմամբ ընդունվել դատավոր Հ.Մանուկյանի վարույթ:

Երևան քաղաքի առաջին ատյանի ընդհանուր իրավասության դատարանը 2022 թվականի հուլիսի 14-ի որոշմամբ, գործի ընդդատության վերաբերյալ վեճը լուծելու համար, դիմել է Վճռաբեկ դատարանի քրեական պալատի նախագահին:

4. Գործը Վճռաբեկ դատարանում ստացվել է 2022 թվականի հուլիսի 15-ին:

Ընդդատության վերաբերյալ վեճի լուծման համար էական նշանակություն ունեցող փաստական հանգամանքները.

5. Նախաքննության մարմնի՝ 2021 թվականի օգոստոսի 31-ի որոշմամբ Դավիթ Սիմոնյանը ներգրավվել է որպես մեղադրյալ, և նրան մեղադրանք է առաջադրվել ՀՀ քրեական օրենսգրքի 364-րդ հոդվածի 1-ին մասով այն բանի համար, որ նա «հանդիսանալով ՊԲ 35383 զորամասի 3-րդ հրաձգային գումարտակի ականաներային մարտկոցի 2-րդ ականաներային դասակի 3-րդ ականաների հաշվարկի համար, պարտադիր ժամկետային զինծառայող, կոչումով շարքային, հրաժարվել է ՊԲ 35383 զորամասում կարարել զինվորական ծառայության պարտականությունները և ՀՀ տարածքում տեղակայված զորամասերից մեկում հերազա ծառայությունը շարունակելու նպատակով, 2021 թվականի հուլիսի 10-ին, ժամը 06:30-ի սահմաններում, առանց թույլտվության, ինքնակամ թողել է զորամասի տարածքը և 2021 թվականի հուլիսի 12-ին ժամը 10:08-ին ինքնակամ

ներկայացել է ՀՀ ՊՆ ՌՈՂ՝ փաստացի դադարեցնելով ՊԲ 35383 զորամասում զինվորական ծառայության պարտականությունների կատարումը»¹:

6. Սյունիքի մարզի առաջին ատյանի ընդհանուր իրավասության դատարանը 2022 թվականի հունիսի 17-ի որոշմամբ արձանագրել է. «(...) Սույն քրեական գործի մեղադրական եզրակացությունից դիտվում է, որ Դավիթ Մանվելի Միմոնյանը նշանակվել է ծառայության ՊԲ 35383 զորամասում և հրաժարվելով կատարել զինվորական ծառայության առանձին պարտականությունները՝ 2021 թվականի հուլիսի 10-ին ժամը 6:30-ի սահմաններում ինքնակամ թողել է ծառայության վայրը՝ ՊԲ 35383 զորամասի տարածքը և 2021 թվականի հուլիսի 12-ին ժամը 10:08-ին ինքնակամ ներկայացել է ՀՀ ՊՆ ռազմական ուսումնականություն և հայտարարել, որ հրաժարվում է այդ զորամասում, ինչպես նաև պաշտպանության բանակում ծառայությունից և փաստացի չի վերադարձել զորամաս: Այսինքն՝ Դ.Միմոնյանի ենթադրյալ հանցանքի կատարումն ըստ առաջադրված մեղադրանքի սկսվել է 2021 թվականի հուլիսի 10-ին ժամը 06:30-ին և ավարտվել 2021 թվականի հուլիսի 12-ին ժամը 10:08-ին՝ ՀՀ ՊՆ ռազմական ուսումնականություն /ՀՀ քաղաք Երևան, տե՛ս գ.թ. 16/ ինքնակամ ներկայանալով, որպիսի հանգամանքը ՀՀ քրեական դատավարության օրենսգրքի 47-րդ հոդվածի իրավակարգավորումների շրջանակում նշանակում է, որ Դ.Միմոնյանի ենթադրյալ հանցանքի կատարման վայրը հանդիսանում է ՀՀ Երևան քաղաքի առաջին ատյանի ընդհանուր իրավասության դատարանի դատական տարածքը:

Այսպիսով, վերը նշված պարճառաբանությամբ գրնում եմ, որ գործն ընդդարյա չէ ՀՀ Սյունիքի մարզի առաջին ատյանի ընդհանուր իրավասության դատարանին, այլ ընդդարյա է ՀՀ Երևան քաղաքի առաջին ատյանի ընդհանուր իրավասության դատարանին: (...)»²:

7. Երևան քաղաքի առաջին ատյանի ընդհանուր իրավասության դատարանի՝ 2022 թվականի հուլիսի 14-ի որոշման համաձայն. «(...) [2003 թվականի ապրիլի 18-ին ընդունված ՀՀ] քրեական օրենսգրքի 364-րդ հոդվածի 1-ին մասով

¹ Տե՛ս քրեական գործ, հատոր 1-ին, թերթեր 56-57:

² Տե՛ս քրեական գործ, հատոր 1-ին, թերթեր 185-188:

նախատեսված հանցակազմի օբյեկտիվ կողմի մի մասը, այն է՝ զինվորական ծառայության հետ կապված պարտականությունների կատարումը դադարեցնելը, ենթադրաբար կատարվել է ՊԲ 35383 զորամասի տարածքում, իսկ օբյեկտիվ կողմի մյուս մասը, այն է՝ զինվորական ծառայության հետ կապված իր պարտականությունների կատարումից հրաժարվելու մասին հայտարարությունը, ենթադրաբար կատարվել է Գյումրի քաղաքում, ՀՀ ՊՆ Ռազմական ուղիկանության Գյումրու բաժանմունքում 2021 թվականի հուլիսի 21-ին բացառությունն չալիս:

Ամփոփելով ասվածը և հաշվի առնելով, որ [2003 թվականի ապրիլի 18-ին ընդունված ՀՀ] քրեական օրենսգրքի 364-րդ հոդվածի 1-ին մասով նախատեսված արարքի կատարման վայր է հանդիսանում այն տարածքը, որտեղ անձը հայտարարել և փաստացի դադարեցրել է զինվորական ծառայության հետ կապված պարտականությունների կատարումը՝ Դատարանը գտնում է, որ Դավիթ Մանվելի Սիմոնյանին առաջադրված մեղադրանքով ենթադրաբար կատարված արարքն ավարտվել է Երևան քաղաքի դատական տարածքից դուրս: (...)»³:

Վճռարեկ դատարանի քրեական պալատի նախագահի պարտականությունները կատարողի պատճառարանությունները և եզրահանգումը.

8. Սույն գործով բարձրացված իրավական հարցը հետևյալն է. Դ.Սիմոնյանի վերաբերյալ թիվ ՍԴ3/0114/01/21 քրեական գործն ընդդատյա է Սյունիքի մարզի, թե՞ Երևան քաղաքի առաջին ատյանի ընդհանուր իրավասության դատարանին:

9. ՀՀ Սահմանադրության 63-րդ հոդվածի 1-ին մասի համաձայն՝ «Յուրաքանչյուր ոք ունի անկախ և անաչառ դատարանի կողմից իր գործի արդարացի, հրապարակային և ողջամիտ ժամկետում քննության իրավունք»:

10. «Մարդու իրավունքների և հիմնարար ազատությունների պաշտպանության մասին» Եվրոպական կոնվենցիայի 6-րդ հոդվածի 1-ին մասի համաձայն՝

³ Տե՛ս քրեական գործ, հատոր 1-ին, թերթեր 203-206:

«Յուրաքանչյուր ոք (...) նրան ներկայացված ցանկացած քրեական մեղադրանքի առնչությամբ, ունի օրենքի հիման վրա սրբեղծված անկախ ու անաչառ դատարանի կողմից ողջամիտ ժամկետում արդարացի և հրապարակային դատաքննության իրավունք»:

10.1. Մարդու իրավունքների եվրոպական դատարանն «օրենքի հիման վրա սրբեղծված դատարան» հասկացությունը մեկնաբանելիս նշել է, որ. «Այն երկրներում, որտեղ օրենքը կոդիֆիկացված է, դատական համակարգի կազմակերպումը չի կարող թողնվել դատական մարմինների հայեցողությանը, սակայն դա չի նշանակում, որ դատարաններն օժտված չեն համապատասխան ազգային օրենսդրությունը մեկնաբանելու որոշակի ազատությամբ»⁴:

11. 1998 թվականի հուլիսի 1-ին ընդունված ՀՀ քրեական դատավարության օրենսգրքի 47-րդ հոդվածի համաձայն՝ «1. Առաջին ատյանի դատարանին ընդդատյա են այն հանցագործությունների վերաբերյալ գործերը, որոնք կատարվել են համապատասխան առաջին ատյանի դատարանի դատական տարածքում (...)»:

1998 թվականի հուլիսի 1-ին ընդունված ՀՀ քրեական դատավարության օրենսգրքի 51-րդ հոդվածի համաձայն՝ «1. Գործն ըստ ընդդատության տրացած առաջին ատյանի դատարանը որոշում է կայացնում այն Հայաստանի Հանրապետության վճռաբեկ դատարանի քրեական պալատի նախագահին ուղարկելու մասին, եթե համաձայն չէ դրա ընդդատությանը:

(...)

4. Սույն հոդվածի 1-ին մասով նախատեսված դեպքում Հայաստանի Հանրապետության վճռաբեկ դատարանի քրեական պալատի նախագահը գործը Հայաստանի Հանրապետության վճռաբեկ դատարանում սրանալու պահից հնգօրյա ժամկետում որոշում է գործի ընդդատությունը (...)»:

12. Վճռաբեկ դատարանը Գևորգ Հարությունյանի վերաբերյալ գործով իրավական դիրքորոշում է ձևավորել այն մասին, որ. «(...) Գործերի պատշաճ ընդդատությունը, որպես արդար դատաքննության անհրաժեշտ բաղկացուցիչ,

⁴ Տե՛ս Մարդու իրավունքների եվրոպական դատարանի՝ *Gorgiladze v. Georgia* գործով 2009 թվականի հոկտեմբերի 20-ի վճիռը, գանգատ թիվ 4313/03, 69-րդ կետ:

հիմնարար իրավական արժեք է: Դրա հիմնարար բնույթը քիսում է արդար դատաքննության ինստիտուցիոնալ տարրից՝ անկախ, անկողմնակալ, իրավասու և օրենքի հիման վրա ստեղծված դատարանի սպասելիություն պետության պոզիտիվ պարտականությունից: Իսկ այդ պարտականությունն իր հերթին, ըստ էության, ամրագրված է Հայաստանի Հանրապետության իրավական համակարգում քարձրագույն իրավաբանական ուժ ունեցող այնպիսի նորմատիվ ակտերում, ինչպիսիք են ՀՀ Սահմանադրությունը (19-րդ հոդված), Քաղաքացիական և քաղաքական իրավունքների մասին միջազգային դաշնագիրը (14-րդ հոդված) և «Մարդու իրավունքների և հիմնարար ազատությունների պաշտպանության մասին» եվրոպական կոնվենցիան (6-րդ հոդված):

(...)

Պատշաճ ընդդատության հիմնարար իրավական նշանակությունն այն է, որ յուրաքանչյուր կոնկրետ քրեական գործը քննող դատարանի որոշման հստակ կանոնների առկայությունը և դրանց կանխատեսելի գործադրումն անհրաժեշտ պայման են կողմնակի դիրքորդի մոտ այնպիսի համոզմունք ձևավորելու համար, որ տվյալ կոնկրետ քրեական գործը քննող դատարանը և դատավորը նախատրամադրվածություն չունեն, և տվյալ գործը վարույթ ընդունելիս սուբյեկտիվիզմն ու կամայականությունը բացառված են եղել:

Այսպիսով, քրեական գործերի ընդդատության որոշման հստակ, կամայականությունը բացառող կանոնների առկայությունը և գործադրումը պարտադիր նախապայման են արդարադատության մարչելիության պատշաճ երաշխավորման համար (...)⁵:

13. Վերոգրյալից հետևում է, որ ընդդատության ինստիտուտը հիմնարար նշանակություն ունեցող արժեք է, քանի որ այն անմիջականորեն կապված է անձի՝ օրենքի հիման վրա ստեղծված դատարանի կողմից իր գործի քննության իրավունքի հետ: Քրեական վարույթի մասնակիցների համար պետք է կանխատեսելի լինի, թե իրենց գործով որ դատարանը պետք է իրականացնի արդարադատություն:

⁵ Տե՛ս ՀՀ Վճռաբեկ դատարանի՝ Գևորգ Հարությունյանի գործով 2011 թվականի հուլիսի 13-ի թիվ ԵԿԴ/0211/01/10 որոշումը, 15-16-րդ կետեր:

Տարածքային ընդդատությունը սահմանող ՀՀ քրեական դատավարության օրենսգրքի 47-րդ հոդվածից հետևում է, որ որպես քրեական գործերի դատական տարածքը որոշելու հիմնական կողմնորոշիչ պայման հանդես է գալիս հանցանքի կատարման վայրը:

14. ՀՀ քրեական օրենսգրքի 364-րդ հոդվածի 1-ին մասի համաձայն՝ *«1. Ջինվորական ծառայությունից կամ դրա առանձին պարտականությունները կատարելուց զինծառայողի հրաժարվելը, որը զուգորդվել է դրանց չկատարմամբ կամ փաստացի դադարեցմամբ՝ պարժվում է (...)»:*

14.1 ՀՀ քրեական օրենսգրքի 364-րդ հոդվածի 1-ին մասով ամրագրված հանցակազմի օբյեկտիվ կողմն արտահայտվում է նրանում, որ զինծառայողը բացահայտ, գրավոր, բանավոր, կամ այլ կերպով հայտարարում է այն մասին, որ չի ցանկանում զինվորական ծառայություն անցնել կամ հրաժարվում է զինվորական ծառայության հետ կապված առանձին պարտականությունների կատարումից և փաստացի դադարեցնում է դրանց կատարումը: Այսինքն, նշված հանցակազմն առկա է այն ժամանակ, երբ անձը հայտարարում է զինվորական ծառայության հետ կապված իր պարտականությունների կատարումից հրաժարվելու մասին և փաստացի դադարեցնում է դրանց կատարումը: Հետևաբար, նշված արարքի կատարման վայր հանդես է գալիս այն տարածքը, որտեղ անձը հայտարարել և փաստացի դադարեցրել է զինվորական ծառայությունների կատարումը:

Միևնույն ժամանակ, Վճռաբեկ դատարանը պաշտպանության իրավունքի՝ որպես անմիջականորեն գործող իրավունքի մեկնաբանման արդյունքում կայուն նախադեպային իրավունք է ձևավորել առ այն, որ պաշտպանության իրավունքի երաշխավորման նպատակով դատարաններն ամբաստանյալի նկատմամբ գործի քննության ընթացքում չեն կարող դուրս գալ նրան առաջադրված մեղադրանքի հիմքում ընկած փաստական հանգամանքների շրջանակից: Ավելին՝ դատարանը՝ որպես արդարադատություն և ոչ թե քրեական հետապնդում իրականացնող մարմին, սահմանափակված է ամբաստանյալին առաջադրված մեղադրանքի ծավալով: Այսինքն՝ քրեական գործի քննության ընթացքում դատարանը չի կարող

քննարկման առարկա դարձնել այնպիսի փաստական հանգամանքներ, որոնք արտացոլված չեն եղել անձին առաջադրված մեղադրանքում⁶:

15. Սույն գործի նյութերի, մասնավորապես՝ Դ.Սիմոնյանին առաջադրված մեղադրանքի ուսումնասիրությունից երևում է, որ՝

- ժամկետային զինծառայող Դ.Սիմոնյանը, Հայաստանի Հանրապետությունում տեղակայված զորամասում հետագա ծառայությունը շարունակելու նպատակով հրաժարվել է ՊԲ 35383 զորամասում կատարել զինվորական ծառայության պարտականությունները և 2021 թվականի հուլիսի 10-ին՝ ժամը 6:30-ի սահմաններում ինքնական թողել է զորամասի տարածքը,

- Դ.Սիմոնյանը 2021 թվականի հուլիսի 12-ին՝ ժամը 10:08-ին ինքնական ներկայացել է ՀՀ Պաշտպանության նախարարության ռազմական ոստիկանություն՝ փաստացի դադարեցնելով ՊԲ 35383 զորամասում զինվորական ծառայության պարտականությունների կատարումը⁷:

16. Նախորդ կետում մեջբերված փաստական հանգամանքները գնահատելով 9-14.1-րդ կետերում վկայակոչված իրավադրույթների և արտահայտված ու մեջբերված իրավական դիրքորոշումների լույսի ներքո պետք է արձանագրել, որ կաշկանդված լինելով գործը բացառապես անձին առաջադրված մեղադրանքի սահմաններում քննելու օրենսդրական պահանջով, սույն գործով Դ.Սիմոնյանին առաջադրված մեղադրանքի ձևակերպման պայմաններում նրան մեղսագրված ենթադրյալ հանցավոր արարքի կատարման վայր պետք է դիտարկել Դ.Սիմոնյանի՝ ինքնական ներկայանալու, այն է՝ ՀՀ Պաշտպանության նախարարության ռազմական ոստիկանության տեղակայման վայրը:

Հետևաբար, մեղադրանքի նման ձևակերպման պայմաններում Դ.Սիմոնյանին մեղսագրված՝ ՀՀ քրեական օրենսգրքի 364-րդ հոդվածի 1-ին մասով նախատեսված արարքը կատարվել է Երևան քաղաքի առաջին ատյանի ընդհանուր իրավասության դատարանի դատական տարածքում:

⁶ Տե՛ս, *mutatis mutandis*, Վճռաբեկ դատարանի՝ *Կարեն Կունգուրցևի* գործով 2018 թվականի հուլիսի 20-ի թիվ ԼԴ/0141/01/14 որոշումը:

⁷ Տե՛ս սույն որոշման 5-րդ կետը:

Այսպիսով, հիմք ընդունելով ՀՀ քրեական դատավարության օրենսգրքի 47-րդ հոդվածի 1-ին մասը, գտնում եմ, որ Դ.Սիմոնյանի վերաբերյալ թիվ ՍԴՅ/0114/01/21 քրեական գործն ընդդատյա է Երևան քաղաքի առաջին ատյանի ընդհանուր իրավասության դատարանին:

Վերոգրյալի հիման վրա և համաձայն 2021 թվականի հունիսի 30-ին ընդունված ՀՀ քրեական դատավարության օրենսգրքի անցումային դրույթները կարգավորող 483-րդ հոդվածի 22-րդ մասի՝ ղեկավարվելով ՀՀ քրեական դատավարության օրենսգրքի 263-րդ հոդվածի 6-րդ մասով՝

Ո Ր Ո Շ Ե Ց Ի

Թիվ ՍԴՅ/0114/01/21 քրեական գործն ըստ մեղադրանքի՝ Դավիթ Մանվելի Սիմոնյանի՝ ՀՀ քրեական օրենսգրքի 364-րդ հոդվածի 1-ին մասով, ընդդատյա է Երևան քաղաքի առաջին ատյանի ընդհանուր իրավասության դատարանին:

ԱՐԹՈՒՐ ՊՈԴՈՍՅԱՆ